



Kristian Skjelanger Kvinge  
Austfjordvegen 1076  
5981 Masfjordnes

Referanser:  
Dykkar:  
Vår: 23/887 - 23/8187

Saksbehandlar:  
Ottar Myrtveit  
ottar.myrtveit@masfjorden.kommune.no

Dato:  
27.09.2023

## Melding om delegert vedtak - søknad om dispensasjon frå spreiekravet for husdyrgjødsel: Gbnr 38/1

Vi syner til søknad motteke den 27.09.2023  
Dersom du er part i saka med klagerett vil du også få vedlagt saksutgreiinga.

### **Administrativt vedtak. Saknr: 091/2023**

Masfjorden kommune viser til forskrift om husdyrgjødsel og gjev dispensasjon til å spreie inntil 50 m3 gylle til og med 15.10.2023, på fylgjande vilkår:

- Utkøyrd mengde ikkje over 50 m3
- Moderate mengder, ikkje over 2 m3 /dekar
- Ikkje spreieing nærare enn 5 meter frå vatn, elvar, bekkar og liknande
- Ikkje spreieing på open åker
- Så langt det er råd, unngå spreieing på vassmetta jord og når det er mykje nedbør, eller utsikt til mykje nedbør
- Ikkje spreieing i sterk vind
- All gjødsla må spreiest på dei areala som har minst fare for avrenning
  - *Kommunen skal ha attendemelding om dato, mengde og areal innan 30.10.2023*

Heimel: Forskrift om husdyrgjødsel

Klagerett:

Masfjorden kommune gjer merksam på at det er klagerett (fvl. §28) på dette vedtaket. Klage må sendast innan 3 veker. (fvl. §29)

## Saksutgreiing:

### 1. Bakgrunn

Det vert søkt om spreiiing av husdyrgjødsel på eige bruk, gnr 38 bnr 1. Søkjar vil spreia snarast og været tillet.

I søknaden står: **Søknad om utsatt frist for overflatespreiing av husdyrgjødsel**

*Eg søkjer med dette om utsatt frist for overflatespreiing av husdyrgjødsel. Mengd det gjeld er 50 m3 med blanding av sau- og storfegjødsel.*

### 2. Vurdering

Her vert gjeve dispensasjon frå spreietidspunkt til 15.10.2023 på dei vilkår som det går fram av vedtaket. Det vert søkt om utsetjing utan dato, men etter tlf 27.09.23 er det ikkje realistisk at det blir kjøyrt ut før innan første veka i oktober. Grunna vilkåra i vedtaket, gjev ein ei veke til om ein ikkje klarer dette. Ein minnar husdyrforskrifta, gjødselplanen samt at ein ikkje ynskjer spreiiing i oktober, så om ein må ha dispensasjon gjev me kortast mogleg frist. Det er oppgjeve mengde, men ikkje kva teigar som skal spreiiast på, men oppgitt at det er husdyrgjødsel og me reknar da med at her er ei blandig med min. 50% vatn. Om bruket har for liten lagerkapasitet, må ein vurdere kva tiltak som kan gjerast. Etter gjødsselforskrifta skal ein ha nok lagerkapasitet. Er det alternative løysingar med andre lager på td. leige-/nabobruk som kan nyttast? Likevel er vilkåra uendra og skal følgjast. Det kan her vera aktuelt med ein gjennomgang av kva som kan gjerast for å betra på situasjonen. Kommunen har ikkje laga lokal forskrift for seinare spreiiing då ein vil rå til at alt vert utkøyrd innan 01.10 og seinast på dispensasjonfristen 15.10.

Etter forskrift om husdyrgjødsel § 7.Spredetidspunkt står: Spredning av husdyrgjødsel skal så langt det er mulig skje i perioden fra våronnstart til 1. september, og fortrinnsvis om våren når planteveksten tar til. Etter 1. september er det ikke tillatt å spre husdyrgjødsel uten nedmolding eller nedfelling. Med nedmolding eller nedfelling er det tillatt å spre husdyrgjødsel fram til og med 31. oktober. Her vil vera vanskeleg å godkjenna ei ny utsetjing seinare år. Bruket disponerer 51 daa fulldyrka og 21 daa overfatedyrka areal, og her kan det vera aktuelt å måtta spreia på leigebruk. Etter forskrifta kan ein med nedfellingsutstyr køyra ut til nemnde frist. Då det ikkje er opplyst noko om nedfelling i søknaden, vert den difor vurdert som spreiiing. Forskrifta har som føremål å hindre ureining til luft, vassdrag, sjø, grunnvatn, fjord og havområde som følgje av husdyrhald. Vidare er det eit mål å sikre at husdyrgjødsel disponerast på en slik måte at omsynet til det biologiske mangfald vert ivareteke. Av § 7 kjem det fram at spreiiing av husdyrgjødsel så langt det er mogleg skal skje i perioden frå våronnstart til 1. september. Derimot er det ikkje lov å spreie husdyrgjødsel på snødekt eller frosen mark, og ikkje under noko tilhøve i perioden frå og med 1. november til og med 15. februar. Søkjar vil få ut ein del gjødsel snarast då været tillet det. Då kan ein framleis få litt verknad av gjødsla sjølv om hausting heretter er lite truleg. Me gjev difor dispensasjon. Husdyrgjødsla må nyttast slik at ho gjev best mogleg gjødselverknad utan å ureina. Det er difor viktig at det i framtida vert spreidd husdyrgjødsel om våren og etter 1. slåtten, då gylla gjev best gjødselverknad. Gjødsla bør difor spreiiast då og ein bør ha lagerkapasitet frå innsett om hausten og til våren, jfr Forskrift om husdyrgjødsel § 8.Generelle krav til gjødsellager. Gjødsellager skal ha tilstrekkelig kapasitet slik at all gjødsel kan lagres fram til spredning i den tillatte perioden. Lageret må i tillegg ha kapasitet til å oppbevare eventuell gjødsel som måtte ligge igjen i lageret etter siste utkjøring. Lagringskapasiteten skal være minimum 8 måneder.

### 3 Konklusjon

Søknaden vert handsama som eit delegert vedtak om dispensasjon for spreietidspunkt

Med helsing

Roald Kvingedal  
teknisk sjef

Ottar Myrtveit  
landbruksrettleiar

*Dette dokumentet er elektronisk godkjent og har difor ingen signatur*

#### Mottakarar:

Kristian Skjelanger Kvinge

Austfjordvegen 5981  
1076

Masfjordnes